

以攻城鏡以照形官人得戟則以刈葵盲人得鏡則以蓋庖○堯八眉眉字也○人有烹狙召隣隣者以爲狗羹食甚美後聞其狙據地吐之未始知味也○邯鄲有吹者託名李奇人爭學之後知其非皆棄其曲未始知音者李奇趙之善音者○原猛一歲弄孰非不利也王法禁之爲其殘棄雖稻熟農夫耨之不以小利傷大獲也稻米落地而○屠者食糞蒸爲車者多步行陶人用缺盆匠人居狹廬舟覆乃見善游馬奔乃見良馭○林木茂而斧斤入質的張而弓矢集

意林卷之二

意林卷之三

扶風馬總元會編

鹽鐵論十卷

蓋是文學與大夫相難○善剋者不戰善戰者不師善師者不陣○工不出則物用乏商不出則寶貨絕○川原不能實漏卮山海不能贖溢欲○宅近市則家富富在術數不在力耕○善歌者使人續其聲善作者使人治其功○孔子能方不能圓故飢於黎丘○茂林之下無豐草大塊之間無美苗○行遠者假於車濟海者因於舟成名者因於資歐治能因國君鋼鐵作金鐘大鐘而不能自作壺鼎盤盂○香餌非不美龜龍聞而深藏鸞鳳見而高逝玉屑滿篋不成其實仲尼之門七十子去父母捐家負荷而隨孔子不耕而學其亂愈滋猶玉屑滿篋也若能安國利人寧須文辭者哉○有粟而不能食無益於飢觀賢而不能用無益於利○歌者不期於利聲而貴於中節論者不期於麗辭而務在事實○公卿者四海之儀表神化之丹青上有輔

卷三

明主之任下有隨聖化之治○諸生抱枯竹守空言不知趨舍之宜時世之變○林中多疾風富貴多諛言○古者君子思德小人思利今人堅額健舌代以致業○九層之臺傾公輸子不能正大朝一邪伊望不能復更道雜而不選○富貴以財買官垂青綬環銀龜擅殺生之柄專萬民之命乘肩輿良列騎成行者不知負檐步行之勞中國與邊境猶支體與腹心肌膚寒於外腹心疾於內以仁義阻之道德寒之賢人守之則莫能入也秦法繁於秋荼國密於凝脂然而上下相遁姦偽並生既焚孔子問人不問馬賤畜貴人也秦法盜馬者死盜牛者刑苛也

說苑二十卷 劉向

東風則靡而西西風則靡而東上之化下如風靡草○禹見罪人下車而泣左右曰此人罪不恭故得罪君王何痛之禹曰堯民以堯爲心今百姓各以其心爲心故痛之○齊景公出獵上山見虎下山見蛇問晏子曰此不祥耶晏子曰有賢而不知知而不用用而不任

1.202.1.4 821-3

此不祥也。山是虎之室澤是蛇之穴何不祥也。晏子侍景公公朝寒請進煖食於寡人對曰嬰非廚養之臣社稷之臣晉平公問師曠曰吾年七十欲學恐晚如何師曠曰日暮豈不炳燭耶臣聞少而學者如日出之陽壯而學者如日中之光老而學者如炳燭之明豈不愈於暗乎公曰善哉。○曾子衣弊而耕魯君使人致其邑不受曰吾聞受人者畏人與人者驕人安知君能不驕我我不畏乎遂不受。○夫仕者身歸於君祿歸於親忠臣不仕二君貞女不更二夫。○居無垣牆人莫之毀傷行無防衛人莫之暴害此君子之行也。○楚莊王賜羣臣酒燭或有引美人衣者美人援絕其纒告王王曰賜人酒醉乃顯婦人之節吾不取也乃命左右勿上火凡與寡人飲者不絕纒者不盡歡也羣臣遍絕纒而後舉火後與晉戰引美人衣者五合以報莊王。○陽虎得罪於衛北見趙簡子曰自今以後不復樹人矣堂下之人臣所樹者過半今反危臣矣簡子曰樹桃李者夏得休息樹蒺藜

者秋得其刺今子所樹蒺藜也自今以後擇人而樹之。○夫政者無迎而拒無望而許臨財莫如廉臨富莫如平廉平之守莫能攻。○國不務大務得民心佐不務多務得賢俊。○齊宣王謂淳于髡曰先生云寡人何好對曰古者所好者四而王所好者三古者好馬王亦好馬古者好玉王亦好玉古者好色王亦好色古者好士王不好士王曰國無士耳若有寡人亦好之對曰驛騶騶本無王求之豹象之胎本無王求之毛嬙西施本無王求之而不求士何也揚回見趙簡子曰臣居鄉三逐事君五去聞君好士故來左右曰居鄉三逐是不容於眾也事君五去是不忠於上也簡子曰美女子醜婦之仇也盛德君子者亂世所疎也正直之行邪枉所憎也遂用之作相衣成則缺衽官成則缺隅示不成也鬼神害滿也。○周公誠伯禽示無以魯驕人。○國有五寒凍不預焉一曰政二曰厲三曰謀泄四曰不敬一而國敗五曰不能治內而務外也官不與勢期而勢自至勢不與富期而

富自至富不與貴期而貴自至貴不與驕期而驕自至驕不與罪期而罪自至魯有恭士行年七十其恭益甚魯君問曰長年恭可以釋也對曰君子恭以成名小人恭以除刑一言不安尚有蹶跌一飯雖美尚有哽咽鴻飛于天矰者得之虎豹雖猛人食其肉譽人者少惡人者多得不恭乎。○歲飢民疫不足患也大臣祿重而不極諫近臣畏罪而不敢言此大患也。○趙襄子謂子路曰吾嘗問孔子曰先生事七十君豈無明君耶孔子不對何謂賢耶子路曰建天下之鳴鐘撞之以槌豈能發其聲乎善夜居者不能早起感於彼者衰於此長於左者短於右一貴一賤交情乃見一死一生乃知交情。○口者兵也出言不當反自傷。○丹所藏者赤漆所藏者黑君子慎所藏也。○飛鳥愛羽虎豹愛爪所以輔身也。○積惡曰愛積愛曰仁積仁曰靈臺靈臺者積仁也神靈者天之本。○晏子為上卿妾不衣帛馬不食粟何以華國對曰德以華國不聞以妾與馬。○趙簡子乘弊車瘦馬衣殺

羊之裘其章曰車新則安馬肥則疾孤策則
溫君宜改也簡子曰君子服善則益恭小人
服善則益踞子貢謂子石曰何不學詩子石
曰父母求吾孝兄弟求吾悌朋友求吾信何
暇學哉子貢曰損吾詩學乎詩○河平四年
都水使者諫議大夫劉向上言曲彌高者和
彌寡水所以載舟亦能以覆舟○楚丘先生
年七十披裘見孟嘗君君曰先生老矣何以
教寡人先生曰欲使追車越馬逐鹿搏虎吾
即死矣何暇老耶若使決嫌疑定猶豫吾即
少也何老之有孟嘗乃有愧色○魏王欲築
中天之臺曰敢有諫者死許綰負粟操畚入
曰聞王欲爲中天之臺願效力焉臣聞天去
地一萬五千里今王因而半之應高七千五
百里基廣八千里盡王之地不足以成臺址
王宜起兵伐諸侯盡有其地猶不足也又伐
西夷乃足之矣須具材木人徒稱此然可作
也魏王默然後乃罷築○有遺鄭相魚不受
人曰子嗜魚何故不受對曰謂嗜魚故不受
受魚失祿無以食魚不受魚得祿終身食魚

○以老者智少者決必能治阿子奇年十六
齊君使治阿既而君悔之遣使追追者反國
子奇必能治阿共載皆白首也子奇至阿鑄
庫兵以作耕器魏曰聞童子治邑庫無兵倉
無粟乃起兵擊之阿人父率子兄弟弟以私

兵戰遂改魏師

法言十五卷

楊雄撰李軌弘範注

務學不如務求師師者人之模範晞顏之人
亦類之徒駟驥之馬亦驥之乘○詩人之賦
麗以則辭人之賦麗以嫵若孔氏之門而用
賦則賞誼升堂相如入室矣○四重何謂四
重言重則有法行重則有德貌重則有威好
重則有觀○四輕何謂四輕言輕則招憂行
輕則招辜貌輕則招辱好輕則招姪○刀不
利筆不鈔宜加刃削○天可度則覆物淺矣
地可測則載物薄矣○說天者莫辯乎易說
地者莫辯乎書說體者莫辯乎詩說理者莫
辯乎春秋○孔子東國之逐臣夷齊西山之
餓夫不屈其志不辱其身不夷不惠可否之
間○仲尼之道猶四瀆經營中國終入大海

太玄經十卷 楊雄撰 虞翻注
鷹羣于林懶入于泉○鳴鳩在林笑彼衆禽
○淮南王安多華少實○齊桓晉文之霸如
日繼月孔子文足老君玄足山川藪澤萬物
歸焉○君子得位則昌失位則良小人得位
則橫失位則喪

新論十七卷 桓譚撰

三皇以道治五帝以德化三王由仁義五霸
用權智無制令刑罰謂之皇有制令無刑罰
謂之帝賞善誅惡諸侯朝事謂之王與兵衆
約盟誓謂之伯王者往也言其惠澤優游天
下歸往也王道純粹其德如彼霸道駁雜其
功如此俱有天下而君萬民垂統子孫其實
一也○圖王不成亦可以伯○治國者輔佐
之本其任用威得大才大才乃主之股肱羽
翮也○明鏡絕策也章程斛斗也銓衡丈尺
也○前世俊士立功垂名圖畫於殿閣官省
此乃國之大寶亦無價矣雖積和璧累夏璜
囊隋侯篋夜光未足喻也伊宮良平何世無
之但知人君不知羣臣勿用也○賢有五品

謹勅於家事順悌於倫黨鄰里之士也作健
 曉惠文史無害縣廷之士也信誠篤行廉平
 公理下務上者州郡之士也通經術名行高
 能達於從政寬和有固守者公輔之士也才
 高卓絕疎殊於衆多籌大略能圖世建功者
 天下之士也○賈誼不在遷失志則文彩不
 發淮南不貴盛富饒則不能廣聘駿士使著
 文作書太史公不典掌書記則不能條悉古
 今揚雄不貧則不能作玄言殷之三仁皆暗
 於前而章於後何益於事何補於君○世有
 園基或言兵法之類上者張置跡遠多得道
 路而勝中者務相遮絕爭便求利下者守邊
 隅趨作星目生於小地猶薛公之言黥布反
 也上計取吳楚廣地道中計塞城皋遮要爭
 利下計據長江以臨越守邊隅趨作星目者
 也更始將相不防衛星中死基中生也○文
 王葬枯骨無益衆庶衆庶悅之恩義動人也
 王翁觀人五藏無損生人人生人惡之殘酷也
 ○東方朔短辭薄語以謂信驗人皆謂朔大
 智後賢莫之及諱曰人有以狐為狸以瑟為

筮篋比非徒不知瑟狐又不知狸與筮篋乃
 非但言朔亦不知後賢也○夫以人言善我
 亦必以人言惡我王翁使都尉孟孫往泰山
 告祠道過徐州徐州牧宋仲翁道余才智陳
 平留侯之比也孟孫還喜謂余曰仲翁盛稱
 子德子乃此耶余應曰與僕遊四五歲不吾
 見稱今聞仲翁一言而奇怪之若有人毀余
 子亦信之吾畏子也余前作王翁掌教大夫
 有男子殺母有詭燔燒其子屍余謂此事不
 宜宣布余封事云宣帝時公卿大夫朝會丞
 相語次云巢生子子長食其母乃能飛時有
 賢者應曰但聞烏子反哺其母丞相大慙自
 悔也人皆少丞相多彼賢人賢人之言益於
 化也鳥獸尚與之諱況於人乎不宜發揚也
 ○龍無尺水無以昇天聖人無尺土無以王
 天下○識出河圖洛書但有兆朕而不可知
 後人妄復加增依託稱是孔丘誤之甚也○
 張子侯曰揚子雲西道孔子也乃貧如此吾
 應曰子雲亦東道孔子也昔仲尼豈獨是魯
 孔子亦齊楚聖人也○畫水鏤冰與時消釋

○孔子以四科教士隨其所喜譬如市肆多
 列雜物欲置之者並至聞東里語云人聞長
 安樂則出門西向而笑肉味美對屠門而嗜
 此猶時人雖不別聖亦復欣慕○顏淵所以
 命短慕孔子殤其年也如庸馬與良駿相追
 銜尾至暮良馬鳴食如故庸馬垂頭不食何
 異顏孔優劣○余少時見揚子雲麗文欲繼
 之嘗作小賦用思大劇立致疾病子雲亦言
 成帝詔作甘泉賦卒暴遂倦卧五藏出地以
 手收內之及覺氣病一年由此言之盡思慮
 傷精神也○莊周病劇弟子對泣之應曰我
 今死則誰先更百年生則誰後必不得免何
 貪於須臾○子貢問遽伯玉曰子何以治國
 答曰弗治治之古孝經一卷二十章一千八
 百七十二字今異者四百餘字○左氏云經
 與傳猶衣表裏相待而成○堯能則天者貴
 其能臣舜禹二聖○劉子政子政駿駿兄弟
 子伯玉俱是通人尤重左氏教授子孫下至
 婦女無不讀誦此亦蔽也舉綱以綱千目皆
 張振振持領萬毛自整治大國者亦當如此

○以賢伐賢謂之頽以不肖謂之亂○王平仲云周譜言定王五年河徙故道今所行處非禹所穿○揚子雲工於賦王君大習兵器余欲從二子學子雲曰能讀千賦則善賦君大曰能觀千劍則曉劍嗚曰伏習象神巧者不過習者之門五福壽富貴安樂子孫衆多○百足之蟲共舉一身安得不濟○曲陽侯迎方士西門君惠從其學却老之術君惠曰龜稱三千歲鶴言千歲以人之材何乃不及蟲鳥耶余應曰誰當久與龜鶴同居而知其年歲耳○聖人何不學仙而令死耶聖人皆形解仙去言死者示民有終也○晉神農伏羲王天下梧桐作琴三尺六寸有六分象其之數厚寸有八象三六數廣六分象六律上圓而斂法天下方而平法地上廣下狹法專卑之禮琴者禁也古者聖賢玩琴以養心窮則獨善其身而不失其操故謂之操達則兼善天下無不通暢故謂之暢堯暢經遠不存舜操其聲清以微微子操其聲清以淳箕子操其聲淳以激

論衡二十七卷 五光

操行有常賢任官無常遇賢不賢才也遇不遇時也才高行潔不可保以必貴能薄操濁不可保以必賤或同操而異主伊尹箕子是也二人俱命世之臣伊尹遇成湯作相箕子遇商紂作奴故知遇與不遇也○清受塵白受垢青蠅所汙常在練素○邑犬羣吠吠所怪也○絃者思折伯牙之指御者願斷王良之手惡彼勝已也玉變作石石化作礫毀謗使然也採玉者破石取玉選士者棄惡取善命不勉也智者歸之於天取富貴若鑿溝伐薪鑿不休則溝深斧不止則薪多亦有溝未成而遇澁薪未多而逢火樂貧勝禍勉已勤事以致富矧才明操以取貴農夫力耕得穀多商賈遠行得利深命富之人筋力自強命貴之人才智自高若千里馬氣力自勁頭目蹄足自相副○魯城門朽頽欲頽孔子疾行而過之左右曰如此久矣孔子曰吾惡其久也脫遇壞則不幸○蟲墮一器酒棄不飲鼠殘一筐飯捐不食○墨家云人死無命儒家

云人死有命歷陽之郟一宿化成湖白起坑趙卒四十萬衆此並有命耶言命者曰命當溺死故相聚於歷陽命當壓死故相聚於平原沛公初起相攻人入豐沛之市云多封侯人也人命繫於國物命繫於人齊人舒緩秦人慢易楚人促急燕人慙敢四國之民更相出入○張次公娶隣巫女卜工曰女相當貴公後位至丞相乃是次公亦貴遂與女相合也○世謂宅有吉凶徒有歲月余謂天道難知假今有觸犯者命吉凶之人也按相黥布當先刑而後王衛青當封亞夫而餓死鄧通當貧餓此骨節皮膚各異也○文王在母腹中便有四乳非長大修道德乃生也后稷作兒以種樹而戲孔子能行以俎豆而弄石生而堅蘭生而香生稟善氣長大乃成就也蚊蠅不如牛馬之力馬困於蚊蠅有勢也十圍之牛為牧豎所驅數仞之象為越僮所鈎無使也○孔子吹律自知殷後項羽重瞳虞舜苗裔聖人自有種族堯與高祖安得是龍子也○宋景公有三善言獲三十一年燕丹執

于秦天雨粟馬生角杞梁妻哭城崩湯旱草
 髮作牲致雨南陽卓公作緹氏令蝗蟲不入
 境孫叔敖埋兩頭蛇有陰德已上並云虛也
 龍若遁逃在樹中為天所敗則非神也若必
 有神則不應有龍肝豹胎故立知水火相薄
 作雷龍聞雷聲即起武王伐紂兵不血刃虛
 言也晨舉脂燭血流漂杵何謂不血刃耶漢
 誅王莽軍至漸臺血流沒趾用天下兵未有
 不血刃也○紂糟丘酒池牛飲者三千人長
 夜之飲亡其甲子車行酒騎行百二十日
 作一月按紂或是覆酒滂池於地因名作池
 釀酒積糟因名作丘以酒作池以車行酒以
 肉懸林因謂騎行多男女裸而相逐林中奔
 走侍者惡之故言三千人實非也○叮叮若
 荆軻之問言秦王誅軻九族更其一里一里
 皆滅故曰叮叮按秦雖無道不應盡誅軻里
 也始皇幸梁山宮見李斯車騎盛出怪之左
 石私告李斯斯損車騎始皇不知左右誰告
 止殺在傍荆軻之里必不盡誅之○魯班刻
 大鶴飛三日不下為母作木車木人御之機

關之發去不還此恐不實○孔子遊說七十
 餘國按孔子自衛反魯在陳絕糧削跡於衛
 伐樹於宋不過十國○子羔泣血三年未嘗
 見齒言其不笑語豈得不見齒耶禽息碎首
 薦百里奚於秦繆公恐是叩頭流血謂之碎
 首○祖伊諫紂云天下之人無不欲王之者
 此增益也恐紂不懼耳若天下皆願紂亡即
 當時瓦解不應與周戰血流漂杵也○子謂
 子貢曰汝與回也孰愈子貢曰回也聞一以
 知十按孔子知顏淵愈子貢則不須問問則
 子貢何敢言勝孔子意者恐子貢淺顏淵故
 此問以抑之○鯉也死有棺而無槨其時作
 大夫乘三馬何不截而貨之作槨也作士之
 時乘二馬截一以賻舊館舊館不賻未亂制
 葬子無槨實非法何重舊人之恩乃輕父子
 之禮不貨車以葬子豈不以貪官仕乎○伯
 夷叔齊為庶兄奪國餓死首陽山非讓國與
 庶兄也豈得稱賢人乎共工與顛頊爭天下
 不勝怒而觸不周山天柱折地維絕女媧鍊
 五色石以補蒼天斷鼉足以立四極按共工

有力折山戰何不勝女媧能以石補天天審
 是五石耶天本以山作柱鼉足何能柱之鼉
 必長大則女媧不能殺之必被其所殺何能
 補天天門在北地戶在東方地最下者揚究
 二州洪水之時二上最被水害天有日月星
 辰謂之文地有山川陵谷謂之理地理上向
 天文下向地合氣而萬物生焉天地夫婦也
 天南方高北方下日出高故見日入下故不
 見天之形若倚蓋蓋倚地則不能運懸之樹
 然後能運日不入地譬人把火夜行平地去
 人十里則不見非滅也日亦如此雲霧雨雪
 皆由地發不自天降夏則作霧冬則作霜溫
 則作雨寒則作雪○才能之士隨世驅馳節
 操之人守隘進竄驅馳日以巧避竄日以拙
 非才智不及狎習異也齊郡世刺繡恒女無
 不能者襄邑能織錦恒女無不巧者日見而
 手狎也○朝廷之人勿稱幹吏者以朝廷作
 田畝以刀筆作未扣以文書作農桑猶家人
 子弟生長狎習具知曲折愈於賓客雖孔墨
 之才不能分別手中無錢而欲市貨貨主死

不與之胷中無學而欲求仕猶無錢市貨不可得也知古不知今謂之陸沈知今不知古謂之盲瞽見驥足不異聚馬之蹄躡平陸而馳千里方可知也○有人於此其智如源其德如山力不能自舉須人舉之人莫之舉寬於閭巷無由達矣器空無食飢者不顧胷虛無懷朝廷不御蘭臺之吏班固賞遠揚雄傳穀之徒名芳文美無大用也夫能說一經者儒生博覽古今者通人採摭書傳能奏記者文人能精思著文結連篇章者鴻儒若劉子政○父楊子雲桓君山之徒猶文武周公並出一時班叔皮續太史公書百篇已上紀事詳悉讀者以謂甲子以太史公作已子孟堅文比叔皮非徒五百里也○龜三百歲大如錢著七十歲生一莖此神物故生遲生亦長久賢儒在世猶靈著神龜也楓桐之樹生而速長故其皮肥不能堅檀樂後榮強勁可作車軸○湍瀨迴沙轉石而大石不動者是石重而沙輕大儒俗吏同在世有如此也○上天之心在聖人之胷其謹告在聖人之口世無聖

人安能知天○人在天地之間如蚤虱在衣裳之內若螻蟻於巢穴之中○正朝占四方風從南來早從北來湛從東來疫從西來兵○秦將滅都門崩霍光亦敗茅牆亦壞杞梁之妻崩城何也○亡獵犬於山林大呼犬名則號呼而應人犬異類而相應者識其主也○東風至酒湛溢按酒味從酸東方木其味酸故酒湛溢○將有赦獄鑰動感應也○蓋合絲而商絃易新殼登而舊殼缺按于生而父母氣衰○亂龍者亂有終也劉子政董仲舒說龍不盡論衡終之故曰亂龍○釣者刻木作魚丹漆其身迎水浮之起水動作魚謂之真並來會聚土龍之事何得不能致雨少政卯在魯與孔子並孔子之門三盈三虛唯顏淵不去知孔子聖也○屈軼生於庭見佞人則指必若如此舜何用今臯陶陳知人之術○堯湯水旱豈三聖政所致也天理曆數自然耳猶慈父治家亦不能使子孫皆孝也○瑯琊兄子明兄曾為饑人欲食弟自縛叩頭代兄饑人善其義皆舍之後兄卒養其孤

遇歲凶饑殺已子活凡之子臨淮許君升亦餓殺已子全凡之孤○人貴鵠賤鷄者謂鷄遠而鷄近也畫工好畫上古之人不畫秦漢之士者重古也揚雄作太玄法言張伯松不肯一觀與其人並肩故賤其言也若楊子雲生周金匱矣○武王伐紂太公陰謀食小兒以丹令身赤長教言殷亡殷人見兒身赤謂是天神又言殷亡謂其必亡周人諱其事○古之帝王建鴻德者須鴻筆之臣褒頌紀德也龍無雲雨不能參天鴻筆之人國之雲雨文章載人之行傳人之美豈徒調弄筆墨空馭英麗哉○人生者精氣也能作精氣者血脉也人死血脉竭精氣亡骨肉化灰土何能作鬼耶若言死者無知聖人恐開不孝之門故不言死者無知其實無知也○諱舉五月子言不利父母按田文不害田嬰礪刀井上恐墜井中又刀邊井刑字礪刀井上恐被刑人意也○無偃寢象尸也○無以著相受不固也○子日沐令人愛卯日沐令人白頭愛憎白黑不由沐耳使媿母于日沐人能

愛乎使十五童子卯日沐能令白髮乎○子路見孔子猶肩牛膊可以得兆何必著龜孔子曰著者耆也龜者舊也狐疑之事當問耆舊耆龜者未可神也取其名耳武王伐紂上筮大凶太公推著蹈龜曰枯骨死草何能知

吉凶乎○商家門不宜向南徵家門不宜向北堂盡南向何不擇也○聖人前知千歲後知萬世孔子將死遺書曰有一男子自云秦皇上我之牀顛倒我衣裳至沙丘而亡後秦皇果至沙丘而亡孔子又云董仲舒亂我書

後仲舒論春秋著傳記又云亡秦者胡後胡亥亡秦此孔子後知萬世也吹律自知殷後此孔子前知千歲也○唐者蕩蕩也民無得而名焉虞者樂也夏者大也殷中也周至也志有所存顧不見秦山知屋漏者在宇下知

政安者在草野知纏誤者在諸子○論衡者銓輕重立真偽非苟論文飾奇麗所以弘世俗也○王充會稽上虞人字仲王充書形露易觀文語不與俗通石多玉寡寡者為珍龍少魚眾少者為神人有難充書繁重如此充

答云文泉勝寡財富愈貧世無一引吾有百篇人無一字吾有萬言孰者可貴充章和二年徒家避難曆年寢廢年漸七十時可懸與髮白齒落儔倫彌索貧無供養志不虞快乃作養性書六十篇

正論五卷崔元始

見信之臣括囊守祿疎遠之臣言以賤廢是以王網縱弛於上智士伊鬱於下夫君政陵遲如乘弊車若能求巧工使甚理之折則接之緩則擗之可復新矣○世主莫不願得尼

輒以輔佐及得之未必珍也○夫貞一之士不曲道以媚時不詭行以邀名恥鄉原之譽絕比周之黨必待題其面曰魯仲尼鄭孟軻不可得也命世之士常抑於當時無不見思於後日以往揆來亦何容易○圖王不成弊

猶足霸圖霸不成弊將如何農桑勤而利薄工商逸而利厚故農夫輟耒而彫鏤女工投杼而刺繡○上行下效然謂之教陳兵策於安平之世譬令未病者服藥○昔人有慕讓財之名推田業與弟俄而貧乏反以威力就

弟強貸此不當也○舉彌天之網以羅海內之士同類翕集而蛾附計士頓踈而勞從黨成於下君孤於上馬不素養難以追遠士不素簡難以趨急○葉公之好攘羊雖可登茲君子不貴也○國不信道工不信度亡可待也○無賞罰之君而欲世治猶不著梳櫛而求髮治不可得也○術家曰冬祭者春必殺

里語曰州郡記如霹靂得詔書但掛壁○洗濯民心瀟浣浮俗

潛夫論十卷王符字

仁義不能月昇財帛而欲日增余所惡也○犬吠形百犬吠聲世之疾此固已矣○嬰兒有常病貴臣有常禍父母有常失人君有常過嬰兒病飽貴臣傷龍父母失於嬖子人君過於驕臣○十步之間必有茂草十室之邑

必有俊士攻玉以石治金以鹽濯錦以魚濯布以灰夫物固有醜治好也君之明者兼聽所暗者信南面之大務莫急於知賢知賢之近塗莫若於考功○諺曰曲木惡直繩重罰惡明政○欲知人將病不嗜食欲知國將亡

不嗜賢也病非無嘉饌病不能食至於死國非無賢人君不能用故速亡理世不得真賢猶治病不得真藥治病當得真人參反得羅服服之增劇非藥無効也先世欲赦先遣馬分行市里聽乎路隅咸云當赦是謂天赦遂乃施行○孝明帝嘗問曰今且何故無上書者左右曰爲反支日也帝曰民庶遠來詣闕不可奪其日使受章者無避反支此明王謂民愛日也聖王之政晉覆兼愛不私近密不忽疎遠吉凶禍福與民同之排簾障風探沙擁河無益於事徒自弊耳猶不命大將掃除醜虜而州縣與兵不息也○扁鵲治病審閉結而通鬱滯虛者補之實者瀉之猶邊境犬羊不可久荒以開敵心○一宅同姓相代或言或凶一官同姓相代或遷或免成康居之而與凶厲居之而衰吉凶與衰在人不由宅矣師曠曰赤色不壽姓大者易滅姓或有因官因號因居因地者司馬司徒中行下軍因官也東門西都南宮北郭因居也三鳥五鹿青牛白馬因地也○季勝造父以善御事周

穆王穆王遊西海忘歸徐偃作亂造父王御者日行千里以征之王封造父於趙因以得氏昆弟世疎朋友世親此人情也富貴人爭附之貧賤人爭去之富貴交者上有稱舉之用下有貨財之益與貧賤交者大有賤貸之費小有假借之損○夫官人有跡之惡結駟過士以謂榮況實有益乎處子有顏閔之賢被禍造門人以謂辱況實有損乎故富貴易爲容貧賤難得適好服謂之舍僭惡衣謂之困阨徐行謂之飢餓疾行謂之逃責不候謂之倨傲數來謂之求食空造以謂無意奉贊以謂欲貸恭謙以謂不肖抗陽以謂不德此處子貧賤之苦酷也凡今之人言方行圓口正心邪君上治世先其本後其末慎其心治其行則姦慝不生古訓著三皇五帝多以伏羲神農二皇其一或云燧人或云女媧我又聞古有天皇地皇人皇未可知也

意林卷之三

意林卷之四

扶風馬總元會編

風俗通三十一卷 應劭

序云風者天氣有寒煖地形有險易水泉有美惡草木有剛柔俗者含血之類象之而生百里不同風千里不同俗周秦常以八月遣輜軒使者採異代芳言藏之祕府及嬴氏之亡遺棄殆盡蜀人嚴君平有十餘言林閭翁孺才者有稷梁與揚雄注云續二十七年凡九千字○張璠云懸諸日月不刊之書余雖不才敢比隆於斯人神農者神信也農穡也其德濃厚若神五帝黃帝顓頊帝嚳堯舜也黃光也顯尊也頊信也嚳考也堯高也舜推也修也言推德行修堯之緒三王禮號謚云夏禹殷湯周武王禹輔也湯昌也王往也言天下所歸往五伯春秋云齊桓晉文秦繆宋襄楚莊伯者白也長也言其咸建五長功實明白霸者把也而其把持天下之政○按秦昭王太后始臨朝也收守長不宜數易按尚書有考績孔子曰如有用我者期月而已三